

Հեղինակային խումբ.
Լևա Կակաշվիլի
Գիորգի Ուզուլավա
Բեքա Կվաճաճե
Իրակլի Փերաճե



Պատմություն

11

Անուն և ազգանուն

Քաղաք/գյուղ

Բովանդակություն

ԹԵՄԱ I. Միջնադար 4

Գլուխ 1. Հռոմի գաղափարը միջնադարում և խաչակրաց
պատերազմների դարաշրջանը **6**

Գլուխ 2. Եվրոպան և Արևելյան աշխարհը XIII-XIV դարերում..... **44**

ԹԵՄԱ II. Ուշ միջնադար և վաղ նոր ժամանակ 64

Գլուխ 3. Միջնադարից մինչև Նոր ժամանակ (XV-XVI)..... **66**

Գլուխ 4. Աբսոլյուտիզմի դարաշրջանը Եվրոպայում և Արևելքում **96**

ԹԵՄԱ III. Երկարատև XIX դարը 124

Գլուխ 5. Աշխարհը հեղափոխությունների և մեծ
փոփոխությունների դարաշրջանում **126**

Գլուխ 6. Եվրոպան Վիեննայի կոնգրեսի և բրիտանական
խաղաղության ժամանակաշրջանում..... **160**

Գլուխ 7. Գլոբալ փոփոխությունների դարաշրջանը **186**

I

ԹԵՄԱ

Միջնադար

ՉՆՈՒՆ
1

Հռոմի գաղափարը միջնադարում և խաչակրաց պատերազմների դարաշրջանը


6

ՉՆՈՒՆ
2

Եվրոպան և Արևելյան աշխարհը XIII-XIV դարերում

44





Հին Երուսաղեմի և խաչակիր արքաների պատկերը Լյուքսեմբուրգի Էլեկտոր առաստաղին

Հոուսի գաղափարը միջնադարում և խաչակրաց պատերազմների դարաշրջանը

ՀԱՄԱՏԵՔՍՍ ՕՐԻՆԱԿ 1. Օտտոն I կայսեր թագադրումը (իշխանություն):

Հենրիխ թագավորի հաջող կառավարումից հետո գերմանական հողերի վրա եկավ նվաճողների հարձակումների ու իշխանության համար առանձին իշխանների պայքարի վերջը: Նրա որդին՝ Օտտոնը, գահը զբաղեցրեց առանց կռվի ու դիմակայությունների: Թագադրումը պետք է տեղի ունենար Աախենում: Հերցոգներ, կոմսեր, ռազմիկներ և Տիրոջ ծառաներ՝ բոլորը հավաքվել էին այնտեղ... Մայնցի եպիսկոպոսը մոտեցավ Օտտոնին, որը կանգնած էր տաճարի կենտրոնում, ապա շրջվեց ժողովրդին և դիմեց նրան. «Ձեզ եմ ներկայացնում Օտտոնին՝ Աստծո ընտրյալին, մեր տիրակալ Հենրիխի կողմից նշանակված և այժմ **արդեն թագադրված բոլոր իշխանների կողմից**: Եթե այս ընտրությունը ձեզ սրտերի համար ընդունելի է, բարձրացրե՛ք ձեր աջ ձեռքը»: Այդ ժամանակ այնտեղ հավաքվածները ձեռքերը բարձրացրին դեպի երկինք և նոր տիրակալին դիմավորեցին հզոր բացականչություններով: Եպիսկոպոսը նրան փոխանցեց սուրը և ասաց. «Վերցրո՛ւ այս սուրը, որով դուրս կմղես Քրիստոսի բոլոր թշնամիներին, անհավատներին և նաև չար քրիստոնյաներին: Ստացի՛ր բոլոր ֆրանկների նկատմամբ իշխանություն և լիազորություն, որ կառավարես բոլոր ֆրանկներին և լինես բոլոր քրիստոնյա ժողովուրդների բարօրության և անվտանգության պաշտպանը:

Եպիսկոպոսը նրան հանդերձավորեց **թիկնոցով** և ասաց. «Այս թիկնոցի քղանցքները, որոնք դիպչում են գետինին, քեզ անընդհատ կհիշեցնեն, որ պետք է լինես հավատքով հաստատուն և ձգտես խաղաղության»:

Եպիսկոպոսը նրան հանձնեց **գավազանը** և ասաց. «Այս խորհրդանիշներով դու քո հպատակներին կկոչես բարության, հայրական հոգատարությամբ կձեռնադրես Աստծո ծառաներին և կողորմաս այրիներին և որբերին»:

Դրանից հետո արքեպիսկոպոսները **սուրբ յուղով** օծեցին Օտտոնին՝ ի նշան աստվածային օրհնության: Եվ նրա զլխին դրեցին ծանր ոսկե թագ, որի քաշը թագավորին հիշեցրեց ծանր պարտականությունները և թագավորության ճակատագիրը:

Արարողությունից հետո թագավորը դուրս եկավ տաճարից և շարժվեց դեպի ճոխ, մարմարե սեղանը: Նրան սպասարկում էին դուքսեր, որոնց վրա թագավորը հիմնվում էր պետության կառավարման գործում, և նրա իշխանության հենարանը հենց նրանք էին: Լոթարինգիայի կոմս Գիլբերտը սպասարկում էր սեղանը և զբաղեցնում կամերիերի պաշտոնը: Ֆրանկոնիայի դուքս Էրերհարդը տնօրինում էր սեղանի վրա կարգուկանոնի հարցը, Շվաբիայի դուքս Հերմանը լցնում էր տիրակալի գավաթը, Բավարիայի դուքս Առնուլֆը զլխավորում էր ասպետներին և պաշտպանում տիրակալի անվտանգությունը, իսկ Մաքսոնիայի իշխան Զիգֆրիդը արքայազնի դաստիարակն էր ու բանակի հրամանատարը:



Առաջադրանք 1

Համատեքստ օրինակին ծանոթանալուց հետո լրացրո՛ւ աղյուսակը, որում կգնահատես Հռոմեական Սրբազան կայսրության մեջ եղած կառավարման մոդելը:

ԿԱՌԱՎԱՐՄԱՆ ՁԵՎԸ	ԻՇԽԱՆՈՒԹՅԱՆ ԲԱՇԽՈՒՄԸ	ՕՐԻՆԱԿԱՆՑՄԱՆ ԱՂԲՅՈՒՐԸ	ԻՇԽԱՆՈՒԹՅԱՆ ԽՈՐՀՐԴԱՆԻՇՆԵՐԸ	ԳՆԱՀԱՏՈՒՄ		ՀԱՄԵՄԱՏՈՒԹՅՈՒՆ ԱՅԼ ԴԱՐԱՇՐՋԱՆՆԵՐԻ ՀԵՏ
				ԴՐԱԿԱՆ	ԲԱՑԱՍՄԿԱՆ	

Համատեքստ օրինակ N2. Երուսաղեմը և այդ դարաշրջանի Սուրբ Երկիրը քրիստոնյաների աչքերով (տարածություն)

Սուրբ Երկիրը ընդարձակ ծովից արևելք, որտեղ ծնվել է, գործել և քարոզել և վերջում մահացել մեր փրկիչ Հիսուս Քրիստոսը, գտնվում էր քրիստոնեական հողերի սրտում:

Այնտեղ ամեն քայլավորի կարելի է տեսնել մի վայր, մի քար կամ ծառ, **որը մեր Փրկչի գործունեության վկան է և այս սրբությունը կրողը**: Այնտեղ դեռ կարելի է տեսնել տեսանելի հրաշքներ, որոնց մասին մեզ պատմում էին մեր Սուրբ հայրերը: Մեր Փրկչի հայտնությունից հետո մարդիկ նրա անունը պղծեցին բազմաթիվ մեղքերով, որոնց պատճառով շատ դժբախտություններ են պատահել մեզ հետ: Մեր մեղքերից հնարավոր է ազատվել Սուրբ Երկիր գնալով և սուրբ վայրեր ուխտագնացությամբ: Այնտեղ կարելի է ուղևորվել **ինչպես ծովով, այնպես էլ ցամաքի տարանցմամբ**: Եթե **որոշես ցամաքով մեկնել**, պետք է մեկնես **սուրբ քաղաք Հռոմի հարավում՝ դեպի Մեսինա նավահանգիստ**, որտեղ բազմաթիվ քրիստոնյա ուխտավորներ են հավաքվում քրիստոնեական երկրներից և նավեր են սպասում արևելք ուղևորվելու համար: Եթե որոշես **ցամաքով մեկնել**, սպա նախ պետք է անցնես **գերմանացիների, իսկ հետո՝ հունգարացիների հողերով**, հատես մեծ գետը և հասնես հույների կայսեր վեհ և հոյակապ քաղաք, իսկ այստեղից սկսվում է վտանգավոր ճանապարհը, քանի որ **տարածությունը Կոստանդինի քաղաքից մինչև Սուրբ Երկիր վերահսկում են մուսուլմանները**:


Մա տարբեր մարդկանց հանդիպման վայր է, Սուրբ քաղաքի փողոցներում կհանդիպեք տարբեր կրոնի և ծագման մարդկանց: Նրա փողոցներում դուք կլսեք խոսք արաբների, պարսիկների, եգիպտացիների, հույների, ֆրանկների, հինդուների, թյուրքերի, հայերի և վրացիների լեզվով: Այստեղ կուտակվում են բազմաթիվ **արժեքավոր ապրանքներ**, իսկ նավահանգիստներում դուք կհանդիպեք բազմաթիվ երկրներից ժամանած նավերի, որոնք բեռնված են գործվածքներով, տարօրինակ կենդանիներով, ապրանքներով և թանկարժեք ակնեղենով:

Վաղուց **այս հողերում խաղաղություն չեն տեսել**, այստեղ մոլեգնում է քրիստոնյաների ու մուսուլմանների միջև պատերազմը, նրանց բանակները կռվում են միմյանց դեմ, բայց քրիստոնյա և մուսուլման **վաճառականները անարգել փոխանակում են ապրանքները և անձեռնմխելիորեն ճանապարհորդում միմյանց հողերի վրա**: Սուրբ քաղաքի քրիստոնեական տաճարներում դուք կլսեք աղոթքներ տարբեր լեզուներով: Լատիները, հույները, հայերը և վրացիները իրենց ծիսակարգով փառաբանում են Տիրոջը, իսկ մի փոքր այն կողմում՝ մահմեդական սրբավայրի մինարեթից, մուեզինը կանչում է մուսուլմաններին աղոթքի:

Սուրբ Երկրում **կլիման տաք է և խիստ**: Երուսաղեմի շրջակայքում առավելապես աճում են ձիթենիներ ու արմավենիներ: Ջուրը քիչ է, և մշակվող հողատարածքները հիմնականում հանդիպում են **ծովի մոտակայքում, Անտիոքի ու Տրիպոլիի** մոտակայքում: Այստեղ ապրող մարդկանց համար եկամտի հիմնական աղբյուրը առևտուրն է, քանի որ բերքը քիչ է և այն էլ առավելապես **Սուրբ գետի** (որում մկրտվել է մեր Փրկիչը) **շրջակայքում**: Ով տիրապետում է այս տարածքներին, նրա ձեռքում է Տիրոջ գերեզմանը, որը շատ մեծ հրաշագործ ուժ ունի: Բացի այդ, այս տարածքների մոտ են գտնվում հարուստ և զարգացած Արևելյան պետություններ Եգիպտոսը, Պարսկաստանը և հնդկական հողերը:

Առաջադրանք 2

Համատեքստ-օրինակին ծանոթանալուց հետո կատարե՛ք գրաֆիկական առաջադրանքը. Քրիստոնյաների աչքերով տեսած Երուսաղեմը և Սուրբ Երկիրը:



Համատեքստ-օրինակ N3. Եվրոպական հասարակությունը XIII դարում

Բնակչությունն օրեցօր ավելանում է, և քաղաքը նորանոր շենքեր են զարդարում ... Հողի բերրիությունը և սպառողական բարիքի առատությունն ակներև է ... Չկա որևէ առողջ մարդ, որ չկարողանա **կերակրել իրեն և իր ընտանիքը**, եթե նա անբան չէ: Քաղաքի նավահանգիստ ամեն օր արևելքից տարբեր ապրանքներով բեռնված նավեր են գալիս: Տոնավաճառի օրը մարդիկ պատարագին չեն մասնակցում, և քաղաքը նման է մեղքի մեծ որջի, ասես մարդկանց սրտերում բույն են դրել ազահությունը, ու խարդախությունը գերազանցում է նրանց բոլոր արժանիքները:

Նավահանգստին **մոտ է գտնվում շուկան**, որն ամենամարդաշատ վայրն է:

Այստեղ դուք կհանդիպեք բազմաթիվ մասնագիտությունների և խավերի մարդկանց: Հարուստ վաճառականներն ամենուր առանձնանում են իրենց մետաքսե հագուստով ու մեծ



եռանդով, որով նրանք փորձում են գնել թանկարժեք մորթիներ, պարսկական գործվածք կամ այլ ապրանքներ: Այստեղ դուք կհանդիպեք վաճառականների այլ խմբերի, որոնք առանձնաձևում են իրենց վաճառքի ապրանքներով, այստեղ կան ոսկերչությամբ զբաղվող հրեաներ, որոնք տարբերվում են յուրօրինակ գլխարկներով: Կհանդիպեք նաև սպասքի առևտրով զբաղվող հույների և ձկնի ու տարբեր սննդամթերքի առևտրով զբաղվող տեղացիների, որոնք տարբեր հատիկայինները և միրգը բերում են քաղաքի մերձակայքում գտնվող դաշտերից:

Դուք կարող եք հեշտությամբ ճանաչել զինված **ասպետներին**: Ազնվականներին, ովքեր թանկարժեք հագուստով են և նրանց ուղեկցում են օտար լեզուներով խոսող բազմաթիվ ծառաներ, օտար լեզվով խոսող **վաճառականների և նավաստիների**, որոնք պանդոկներում և գինետներում են ապաստանում: Քաղաքում ամենաբարձր շինությունը **Մուրբ տաճարն** է, որի մինչև երկինք խոյացած գմբեթները հնարավոր է տեսնել քաղաքի բոլոր թաղամասերից: Նրա մոտակայքում կհանդիպեք **ճոխ թիկնոցներով հանդերձավորված եպիսկոպոսների և հասարակ կոպիտ զգեստներով միաբանության վանականների**:

Քաղաքում կա առանձին բնակավայր, որտեղ ապրում են **հրեաներ և այլ «հերետիկոսներ»**, ովքեր հողի սեփականության իրավունք չունեն, ուստի նրանց հիմնական գործունեություն է դարձել ապրանքների առևտուրը: Նրանք հաճախ դառնում են ազնվականների կողմից ագրեսիայի թիրախ, որովհետև հրեա վաճառականների **հարստությունը գրավում է նրանց**: Շատ վաղուց, երբ քաղաքում առաջին անգամ տարածվեց **սարսափելի հիվանդությունը**, սկզբում այն առաջացավ հրեա վաճառականների նավից: Մարդիկ հավատում էին, որ **Աստված բերեց այս աղետը քաղաքի և այնտեղ ապրող քրիստոնյաների վրա քաղաքում հերետիկոսների առկայության պատճառով**: Այդ ժամանակ հալածանքներից տուժել են հրեաների մեծ թվով տներ և գույք: Այժմ նրանք կրկին ապրում են քաղաքի արվարձաններում, որտեղ հաճախ կհանդիպեք վաշխառուների վաճառասեղանների: Քաղաքի ժնաջած բնակչությունը խուսափում է բնակություն հաստատել հերետիկոսների մոտակայքում: Նրանք խուսափում են, քանի որ հավատում են, որ պատժի կարժանանան Աստծո և իրենց տերերի կողմից:

Առաջադրանք 3

Համատեքստ օրինակին ծանոթանալուց հետո լրացրե՛ք աղյուսակը, որի միջոցով կարող եք դատողություն անել, թե ինչպիսին էր XIII դարի եվրոպական հասարակությունը:

ՍՈՑԻԱԼԱԿԱՆ ԽԱՎ/ԽՈՒՄԲ	ԻՆՔՆՈՒԹՅԱՆ ՄԻՋՈՑՆԵՐ	ՀԵՏԱՔՐՔՐՈՒԹՅՈՒՆՆԵՐ, ՄՏԱՀՈԳՈՒԹՅՈՒՆ	ՎԵՐԱԲԵՐՄՈՒՆՔԸ «ՄՇԱԿՈՒԹԱՅԻՆ ԱՅԼ»-Ի ՆԿԱՏՄԱՄԲ	ԱՄԵՆՕՐՅԱ ԿՅԱՆՔՆ ԱՐՏԱՅՈՒՈՂ ՆՐԲՈՒԹՅՈՒՆՆԵՐ	ՀԱՄԵՄԱՏՈՒԹՅՈՒՆ ԱՅԼ ԴԱՐԱԵՐՁԱՆԻ ՀԱՄԱՐԱԿՈՒԹՅԱՆ ՀԵՏ

Հռոմի գաղափարը միջնադարում և խաչակրաց պատերազմների դարաշրջանը

ՀԱՄԱԼԻՐ ԱՌԱՋԱԴՐԱՆՔ

1

Զեկուցում խաչակրաց արշավանքների մասին

Պատկերացրո՛ւ, որ XI դարում Հռոմի պապի արքունիքում աշխատող մի գիտնական էս, Պապի խորհրդականը: Քեզ մոտ գաղափար է ծնվել խաչակրաց արշավանքներ սկսելու մասին: Հռոմի պապին **գրավոր զեկուցում** ներկայացրո՛ւ, որում ձևակերպված կլինի, թե երբ և ինչու պետք է սկսվեն խաչակրաց արշավանքները, ինչը պետք է լինի արշավանքների նպատակը, և ինչ կտա այն մի կողմից՝ Պապի իշխանությանը, մյուս կողմից՝ եվրոպական աշխարհին:

Գրավոր զեկուցման մեջ հստակ ցո՛ւյց տուր.

Քայլ 1

1. Բնութագրի՛ր այն տարածությունը և աշխարհագրական միջավայրը, որտեղ պետք է իրականացվի խաչակրաց արշավանքը: Ընդգծի՛ր այս տարածքի տնտեսական, մշակութային և կրոնական նշանակությունը եվրոպական աշխարհի համար: (*Տարածություն, Ուս.գ.1, 3*)

Քայլ 2

2. Ինչ դեր պետք է ունենա Հռոմի պապը խաչակրաց արշավանքներում, և ինչպես կանդրադառնա դա Պապի իշխանության վրա: (*Իշխանություն, Ուս.գ.2, 3, 4*)

Քայլ 3

3. Բնութագրի՛ր Բյուզանդիայի և թուրքական աշխարհի վիճակը այս դարաշրջանում և դատողություն ևն արա, թե ինչ գործոններ կնպաստեն խաչակիրների հաջողությանը: (*Տարածություն, Ուս.գ. 2, 3*)

Քայլ 4

4. Ինչ տնտեսական և քաղաքական օգուտ կբերի խաչակրաց արշավանքը քրիստոնեական տարածքին: (*Տարածություն, Ուս.գ 1, 3*)

Հասկացություն

- Իշխանություն
- Տարածություն
- Աղբյուր



Քայլ 1 Մշակման համար (Պարագրաֆներ՝ 1-2, 3-4)

§1-2. Ի՞նչ մարտահրավերների բախվեց Բյուզանդական կայսրությունը Մակեդոնական դինաստիայի կառավարումից հետո:

§3-4. Ինչպե՞ս ձևավորվեց Արևելքում հզոր Թյուրք-սելջուկյան կայսրությունը:

ա. Ծանոթացի՛ր էլ.ռեսուրսներին.

- Թուրք-սելջուկները և Մերձավոր Արևելքը, Մանազկերտի ճակատամարտը: Silk School
<https://bit.ly/3YWpyA9>
- Բյուզանդիա-սելջուկների պատերազմները: Մանազկերտի ճակատամարտը: Kings and Generals
<https://bit.ly/3Xyv5f3>

բ. Քարտեզներով փոխանցված պատմություն

Դիտի՛ր ստորև տրված քարտեզները և գրի՛ր համառոտ ակնարկ Բյուզանդիայի տարածքի մասին նրա ծագումից մինչև XI դարի II կեսը:

Քարտեզ №1



Քարտեզ №2



Քարտեզ №3



Քարտեզ №4



Քարտեզ №5



Քարտեզ №6



Բյուզանդիայի տարածքային փոփոխությունները (համառոտ ակնարկ)



Հարցեր աղբյուրների վերլուծության համար.

1. Հստ քարտեզի՝ բնութագրի՝ ը այն աշխարհագրական տարածքը, որտեղ ապրել են թյուրք-սելջուկները, բացատրի՝ ը պատճառները, թե ինչու կարող էին նրանք սկսել տեղափոխվել նոր տարածք:

2. Դատողություն արա թյուրք-սելջուկների մշակութային, աշխարհագրական և տնտեսական առանձնահատկությունների մասին:

ե. Աշխատանք աղյուսակի վրա

Դասագրքում ծանոթացի՝ ը § 3-4-ում տրված տեղեկություններին և լրացրո՛ւ աղյուսակը. Ինչպիսի՞ն էր թյուրք-սելջուկների քոչվոր հասարակությունը:

	ԻՆՔՆՈՒԹՅԱՆ ԱՐՏԱՀԱՅՏԱՆ ՄԻՋՈՑՆԵՐ	ՆՊԱՏԱԿՆԵՐ	ԲՆՈՒԹԱԳՐԵՐ		ԽՆԴԻՐՆԵՐ	ՏԱՐԲԵՐՈՒԹՅՈՒՆԸ ՄԻՐԻԱՅԻ, ԻՐԱՆԻ, ՀԱՅԱՍՏԱՆԻ ԵՎ ՓՈՔՐ ԱՄԻԱՅԻ ԲՆԻԿ ՀԱՍԱՐԱԿՈՒԹՅՈՒՆԻՑ	ՀԱՄԵՄԱՏՈՒԹՅՈՒՆ ԱՅԼ ՊԱՏՄԱԿԱՆ ԺԱՄԱՆԱԿԱՇՐՋԱՆԻ ՀԱՍԱՐԱԿՈՒԹՅԱՆ ՀԵՏ
			Մշակութային	Տնտեսական			
ԹՅՈՒՐԳ-ՍԵՂՋՈՒԿՆԵՐԻ ՀԱՍԱՐԱԿՈՒԹՅՈՒՆԸ							